

## **Igls meis d'avregl e matg 2018 ò la suprastanza communal tracto tranter oter igls suandonts affars:**

### **Lubientschas da biagier:**

- Lubientscha da biagier ad Isabella e Corsin Demarmels; dus paravents da vèder sen igl plaz da seser tar tgesa d'abitar nr. 6-57 (Salouf, parc. nr. 8123, Veia Stavel 5)
- Lubientscha da biagier ad Edwin Thomann; sanaziun ed angrondamaint digl bietg annex (clegna) tar tgesa d'abitar nr. 5-24 (Parsonz, parc. nr. 6156, Mezvei 7).
- Lubientscha da biagier a Christian Bigler; midada dalla stgela dafora tar tgesa da vacanzas nr. 2-409 (Savognin, parc. nr. 3714, Veia Soras 18).
- Lubientscha da biagier a Mark Batliner; biagier ve terrassa tar tgesa d'abitar nr. 93 (Tinizong, parc. nr. 38, Cadras 93).
- Lubientscha da biagier cun procedura per bietgs ordvart la zona da biagier (BAB) alla Kieswerk ELA SA; untgeida pigls peschs incl. sbassada dalla pare ancastrada (Salouf, parc. nr. 8252; Riom, parc. nr. 6328; e Cunter, parc. nr. 5371, Gneida).
- Lubientscha da biagier cun procedura per bietgs ordvart la zona da biagier (BAB) a Jürg Pinkwasser; sanaziun energetica, midada interna; indrez solar sen igl tetg tar tgesa da vacanzas nr. 10-171 (Sur, parc. nr. 13796, Alp Flex, Tgas d'Albert)
- Lubientscha da biagier cun procedura per bietgs ordvart la zona da biagier (BAB) agl cumegn da Surses; renovaziun, reconstrucziun e bietg annex serenera nr. 8-104 (Beiva, parc. nr. 11707, Stalveder).
- Lubientscha da biagier cun procedura per bietgs ordvart la zona da biagier (BAB) a Claudia e Thomas Odermatt; tgesa d'ena famiglia (amprema abitaziun), (Mulegns, parc. nr. 9451, Sur l'Ava)
- Lubientscha da biagier a Tona Caspar; sanaziun abitaziun partera, nova terrassa, sondas sutterranas tar tgesa d'abitar nr. 4-55 (Riom, parc. nr. 7081, Cresta 12).
- Lubientscha da biagier a Beatrice e Baseli Bundi; nov pavigliun (Tinizong, parc. nr. 241, Cantung Bel).
- Lubientscha da biagier alla cuminanza da proprietaris an condomini Villa Bergmotel; sanaziun digl tetg, nova finestra aint igl tetg ed angrondaneir dus fenestras aint igl tetg tar tgesa d'abitar nr. 2-600 (Savognin, parc. nr. 3281, Stradung 2a).
- Lubientscha da biagier alla Pool SA; sanaziun digl tetg e dallas fatschedas, treis novas fenestras aint igl tetg tar tgesa d'abitar nr. 2-26 (Savognin, parc. nr. 3088, Stradung 36).
- Lubientscha da biagier a Flavia e Rico Krüsi; midada interna e biagier aint ena nova finestra ainten la fatscheda sid dalla tgesa da vacanzas nr. 10-143A (Sur, parc. nr. 13275, Cuorts).
- Lubientscha da biagier cun procedura per bietgs ordvart la zona da biagier (BAB) a Ruth e Luzi Steier; nova tgesa cun dus abitaziuns (ampremas abitaziuns), (Savognin, parc. nr. 3407, Saletscha 24).
- Lubientscha da biagier alla Winteler & Co. SA; lucarna per l'abitaziun nr. A6 tar tgesa da ples abitaziuns nr. 3-128 (Cunter, parc. nr. 5142, Fuschignas 8).
- Lubientscha da biagier a Jeannette e Willem Keijzer; plazzar ena sauna an furma d'en butschign tar tgesa da ples abitaziuns nr. 5-243 (Parsonz, parc. nr. 6445, Talvangas Soura 37).
- Lubientscha da biagier agl cumegn da Surses ed agl Club da ballape Surses; tetgs sur las dus stgelas dafora digl implant da protecziun civila, nova tualetta e sanaziun digl plaz da ballape (Tinizong, parc. nr. 684, Piazza d'Ava).
- Lubientscha da biagier ad Angelo Demarmels; tavlas da reclama, halla e luvratori nr. 6-251 (Salouf, parc. nr. 8225, Dartgaz 1).
- Lubientscha da biagier ad Esther e Thomas Achermann; bietg annex ed angrondamaint dalla terrassa, tgesa da vacanzas nr. 2-401 (Savognin, parc. nr. 3711, Veia Soras 23).
- Lubientscha da biagier alla cuminanza da proprietaris an condomini Crap Alv; treis novas garaschas (Savognin, parc. nr. 3374, Veia Soras).

## **Surdada da lavours**

- Surdo las lavours per luvrar se las pendenzas pertutgont la construcziun ed harmonisaziun digl plan da cataster communal (alla basa dalla lescha da geoinformaziun digl cantun Grischun) agl biro d'inschignier e misiraziun Planisaziun Sonder SA, Salouf.
- Surdo las lavours da catram e da construcziun bassa an connex cun la sanaziun dalla veia Soras soura a Savognin scu suonda:
  - lavours da catram alla Mettler Prader SA, Cunter/Coira
  - lavours da construcziun bassa alla Luzio Tiefbau SA, Savognin
- Surdo las lavours da catram an connex cun la sanaziun dalla Veia Viols a Savognin alla Mettler Prader SA, Cunter/Coira.
- Surdo la lavour d'elaborar igl concept directiv communal agl biro da planisaziun Stauffer & Studach, Coira.
- Surdo las lavours da planisaziun e survegliaziun pertutgont la sanaziun digls dus stands da teir a Rona alla Hartmann Bauleitungen, Tusang, e Christian Böhm Geologie, Coira.
- Surdo la lavour d'impressari an connex cun la sanaziun dalla veia da gôt a Lungatgia aint igl Gôt Grond a Parsonz alla Fasolini Signorell SA, Sur.
- Surdo las lavours da planisaziun an connex cun la sanaziun dalla veia da gôt Spegnas a Rona agl biro d'inschignier e misiraziun Planisaziun Sonder SA, Salouf.
- Surdo las diversas lavours an connex cun la sanaziun digl implant da protecziun civila a Tinizong e novs tetgs sur las dus stgelas dafora.
- Surdo las lavours per sanar divers meirs per lung dalla veia da Faller alla Luzio Tiefbau SA, Savognin.
- Surdo las lavours da projectaziun an connex cun la sanaziun dalla staziun da trafo nr. 12 «staziun da misiraziun 2» tar la piazza da camping a Savognin agl biro IBG B. Graf, Coira.

## **Ulteriours affars:**

- Approvo l'aggiunta 2 tar igl contract pertutgont igl diever dalla reit da distribuziun dad 11 kV cun las Ovras electricas digl martgea da Turitg oet/ewz.
- Approvo l'aggiunta tar igl contract pertutgont igl dretg ad energieia gratuita ed energieia da preferentscha cun las Ovras electricas digl martgea da Turitg oet/ewz.
- Piglia cunaschientscha digl rendachint dalla scola da musica Grischun central digl 2017.
- Tscharnia igl biro da planisaziun Stauffer & Studach a Coira scu planisader pigl cumegn da Surses.
- Proponia suprastant Toni Sonder scu nov represchentant digl cumegn aint igl cunsegl d'administraziun dallas Ovras idraulicas Ragn d'Err SA.
- Decidia da publitgier la piazza d'amprendissadi da commerciant/a (profil E e M) tar l'administraziun communal a Tinizong sen igl avost 2019.
- Decidia da sustigneir finanzialmaintg igl project digl Parc Ela pertutgont l'elaboraziun d'en catalog d'ideias per l'inscenaziun digl renumo artist Giovanni Segantini. Sper igl Parc Ela ed igl cumegn sa participescha er la Turissem Savognin Bivio Albula SA agl project.